

復
莊
詩
問

復莊詩問卷二十

大梅山館集

鎮海姚 變某伯甫

春夜都門懷人詩十七章

我心苦不多有懷難遍給緘耳謝驚霆誰來破幽蟄故
人敦夙歡結交重車笠星散天無垠河光暗空挹蒸蒸
木向榮中有露聲歛悄焉霏吾衿縈之淚痕濕彼美不
可邀榛苓眷山隰非無新相知末由慰快悵

郭隗不在燕誰聽爾馬嘶况自頗阪來力竭精愁羸道

旁相其質謂馬多權奇目以皮毛驚終非心腑知吾師

近在浙袖筆圖黃驪

季仙九閣學師
時觀學浙中

須把一束芻蕘億

復莊詩問

卷二十

大梅山館集

巉骨姿延頸望高雲朔風浩以悲不見天門開躑躅將何爲

次公經世才令聞滿天下仗節馳八閩貺之帝心殷

黃樹齋侍郎爵昨聞吉甫風已遍女牛野公餘尋粵王

山詩以古情寫須過松寥居張亨甫孝廉際亮一駐九峯馬松

寥如仲宣依人客澎厦近聞亨甫客臺灣近當載月還建豎釣

龍社願騎木雁青共牽荔雲赭

卓蹠汪龍溪競藻天門鸞似慚畫虛諸去作河上官孟汪

慈戶部事孫以郎官試川河工近在濟甯胝胼堪活民力豈靳其殫意得冰

壺清何愁揚濁瀾高城太白樓遠見南武山下有萬柳

圩君當宅其間朝汎木蘭艇莫把珊瑚竿夢君春波恬
婉予身非鵬

粵中有二黃

黃香鐵廣文劍黃
蓉石比部玉階

騶驪競天秀其意在太

行不爭棧中豆脫焉興遁思中路警疲瘦冠帶榮南柯
何如文可壽瓊姿樸謝雕鐵骨勁辭朽棄彼大舐丹攫
月向句漏隱然娥睂雲山名同展石華袖許我爲清揚當
來贈絺綌

勁篠青不阿孤持見風節美人在巴陵

湯海秋戶部鵬
以奉諱還益陽

癯猿影同子屈賈之所鄉昭潭至今潔瘡鬱三千年得

君氣一泄忠孝無兩轍勞此寸衷熱國遠家無親廢身

定慚拙應編經濟書

聞其近著浮邱子

少補獨居劣毋爲哀騷

吟竭爾杜鵑血

紈扇江都山

李梅生山人有

玉叉春浦樹

吳春浦貳尹鐸

惜爾供奉才

嬾人向歧路貴官挾百金不願買清素意在丹碧多難

言賞音遇似嫌促迫煩棄筆謝塵去遂令翰墨場轉眼

失神鼎更思溫仲舒

溫稼生孝廉文禾工畫山水

鳳采濯秋籜遲久

亦不來誰寫子山句

前車捆經史後車載美人影纓短後衣遊說諸侯門咄

咄江生才

江龍門孝廉聞

辨舌今儀秦肯從在繭蠶抽絲縛其

身思君苦不見仰見如磐雲揜露北斗芒刺面生憐

吾帶有純鉤可憐魑未魂佩之已十年撫惜空逡巡

夫何春風中而悲木葉飄環花陳玉觴使我心難豪安

仁長已矣

謂潘彥甫解元德輿

魂遠歌空招胡爾方盛年匿面甘

蓬蒿

孔宥國比部繼錄已謝官歸丁儉卿孝廉晏魯通甫孝廉一同均不赴試

城西故邸存

昔夢銀屏簫我昨驅馬過雨暗多啼梟雲散不再搏事

豈前所料以夢尋淮流枕有千尺潮

懸鼓招諫臣求言

帝如渴胡我餘菴翁挂冠竟還越

族兄餘菴給諫慶元已辭官還蕭山

昔年薊門秋寒颶厲蒼鶻邀我同看

山登樓柱青笏維時雲四頽君以寸眉揭騰我醉後心

去海共淵渤奈何志未伸陳情乞骸骨遙知枕石眠夢

復莊詩問

卷二十

三

大梅山館集

猶眷 天闕

戴敝中書冠不救一餐餓頗聞青蠅譏轉防黃雀賀急

束牀頭書擲與槽馬馱蒙面渡蘆溝恐有留者過

郭羽可舍

人儀霄已還永豐采藥青原山芒屨踏應破歸鍵香城廬夢抱

吉川臥天與清風名未須感摧挫百尺樓鸞篴路塵那

能宛

每發一論奇直掃古人障座無陳元龍使我飲不暢金

城開酒泉天險玉門嶂近聞出匣刀嚮割與時當

陳菊伯大

令鼎作宰肅州自慚毛不豐凌颺畏摧宕但指紅山雲遙識春

氣王睞面將六年思之我心愴安有崆峒書來慰舊鴻

望

飢餐敗榆葉渴飲駝乳漿荷戈萬里行古日穹廬黃絕

地少陽春君髮應早霜

周葆材侍御銘思以事戍塞外

楊柳不出關雁

自中原翔何知我夢魂吹落君之旁見君黯黯衣淚厚

塵無光莫怨天恩輕當思歸後償豈爾文弱生終焉

老戎羌

飛夢踰馬當彭蠡正斜照大姑如擁鬟小姑倩而峭下

宅雙龍螭能爲玉嶺嘯聞其爲霖心已先雲氣到

聞徐孟卿

上舍志導少舉上舍志恭昂季近日可到都

昨夜東南風畫檐鵲聲報應有

幕府雲綵送大江權憐我宿黛纏結眉苦難笑何當開

復莊詩問

卷二十

四 大海山館集

蕙樽一理舊絃操

大材屈卑吏壯志沈簿書

洪子香理問金桂時官吳中

因從賤子期

在玉當爲璵夙昔抱琴襟君賃僧寮居挈酒時過談同
巷不須車爽靄延朝山悲憤皆滌除使我秋葉心常對
春花舒君雖縛微名有藻句堪攄未遇賣賦緣誰來憐
相如

別時朱潔翁有約吾寧忘謂及楊柳青置酒城東堂一
日三尋君不嫌跣趾傷遇客君邇來貽我書幾行但言
病苦深未能禁風霜其辭若相謝其意良疚傷

春初朱西生孝

廉綬約余到京十日後當相見今書來言苦病未果

關河二千里共此明月光思

君我在庭思我君在牀

遠懷苦徒給還覓新相知安庸抱沈疴坐使佳日馳西
市酒滿壚東巷花滿枝異日吾再來同者知復誰黃鸝
與杜鵑同春不同思形影既同娛得樂且弗悲有花插
滿頭有酒斟滿卮但能存此心萬古常無違

汪郎中

全泰

見過索示新詞答之以詩

五年詞不填春已枯我懷偶慕白石翁殊笑宮商乖宮
商心之聲節與金石諧譬如過院風其韻鏘篁槐乃有
明露姿媚彼初綠芳自從溺塵全行止多徘徊在抱蟾
蟾光雲葉暗相霾誰攜雪色綾蘸水來磨揩而公謬矜

詔選木不葉柴委以瓊鳳聲和使霜蟬皆蟬語高天空
次籟秋亦佳迴眄嶧上巢琴笙方離喙又若病黃雀短
秃翎難排啾唧能感人僅足免淫哇作詩敬謝公語質
非摭揆尙賜一襲羅被我村苧娃六合燦晨旭蘭息盪
無涯擬結同心懽媿無雙玉釵

同蔣

湘南

葉

世圻

洪

歸孫

小集吳侍讀

葆晉

寓齋

三章

綠止暄不風靜筵對南郭晶然天光明照影玉墀鶴吾
心糾衆勞得閒且寬拓況爾同懷朋華嵩森岵嶠杯漿
澂不埃誰云魯味薄盍有古蘚香未忍遽吞嚼拂烟高

柳枝初蟬響猶弱誰信塵擾中有此世外樂

落日搖萬黍醉意同模糊萬黍光如瀾自慚不能晷抹
閣西山層巒影沈疑無似有山中仙攜珮遙相呼諸君
當玉堂我貌烟霞臞升雲而飲谷姿格終難誣所願相
勉敦心以道爲樞天地有萬載此會良須臾

主人飄長髯手擊如意歌拂落居庸雲四壁含嵯峨隔
門卽大海一去風揚波此屋爲蓬萊俯辨蛟與鼉胡爲
月可邀不種瓊樹柯豈真屈子心但宜垂帶蘿捐睂一
翮鴻瞥若蚊影過分手各有懷涕泗吾獨多

送葉舍人

名禮

之雁門省母二章卽次畱別韻

桐枝高未秋先有啼秋鳥鳥啼高枝寒在客聞何娛君
動將母思別我長安都落夢中條山天界分蒲姑桑乾
不過代隘壁青千紆採蘭堪慰心敢怨筋力勅望雲隔
滄海所願吾豈殊奈何子影憐尙此風塵途

大風揚平沙君馬蕭蕭鳴持鞭勸君酒未醉君已行送
君心何如叢柳青方生向君萬絲亂欲理偏結縈願我
夢隨雁同過遼陽城拂落榆林烟照君孤月明和君詩
未終淚已懷袖盈君西吾不南躑躅夫何情

原作

漢陽
葉名澧

跪乳乃有羝反哺亦有鳥萬族互榮滅骨肉直權娛

遙遙西北天歷歷代趙都秣我紫驪馬負我金僕姑
茲行詎不壯遊子心鬱紆山川阻溫清常念我生劬
故人各無語但覺顏色殊再拜謝故人黽勉卽長途
南風絕飛鳥我馬隨風鳴驚沙蔽亭埃浩然千里行
入門別妻孥出門別友生徘徊復徘徊一念千迴縈
曉望居庸塞夜夢長安城長安一輪月萬古中天明
我行指三三五三五闕復盈丈夫各有志羞慕兒女情

喜張

際亮徐志導志恭

昆季先後至都

焦尾誰憐入纍琴夢搜月魄到湘岑漸看佳雁隨雲到
未使清樽有壑沈異日任添傷別淚暗窻重拭畫苔陰

存存道氣真天在共剖元關勘鬱森

天主堂四十韻

狹壁搜至冥百靈一盂滙包羅乾象森勃宰五洲海間
然龍氣寒飈地被青紫方桷彫聖丹華蟲縵回彩深日
嵌畫旒綺月拓飛陛似舞刑天戈來鞠貳負罪其神冠
帝皇其名混元駭高準鼻類獅銳角耳同獬牟尼三劫
輪規球掌中擺叉指側右肩口哆意有在魔母肖婉衿
兜胷燦球琲項繡纏露花鬟偏彈烟茵媚睇山鬼淫媚
笑洞狐駭倚膝耶穌兒了髻索黃嬭謂是虛無宗命作
造化宰漢歷元壽遙禩運遞子亥救世來拂拭肉身不

遭燬幻以契利沿術從馬竇給法徒十二人分支守宗
禰宣教揚祕文遺蠱毒千載誓盟俾斯玻衆惑結難解
唾拾釋老餘上素六經楷粵昔明神宗寶而賜之邸竟
欲綱常誣遂釀釁禍始咄嗟宗伯馮鑒識極庸猥坐使
閩廣天東南陷淵底金陵稱文邦祇儒首徐李潤飾六
冊書抗衡五斗米卓傑珂徐如與輝晏文疏詞明大體

摧折青白蓮頽圻蕩焉沈蒼龍衛

聖朝彤雲覆萬里

大統持中星弗崇絕微技黔黎知踐仁奸誘辨羌虜詎

愛人頭錢

見漢書

下受狗彘賄此堂雖兀存壞色已蒙藉

肅肅蝙蝠巢樞荒偃戈槩槎枒木架懸尙作十字欄邱

龐遊釜魂誰來飫其餒米撒真妄妖阿襪亦譎詭往瞻
太學門祥輟自瑰瑋

高娼詩

妾身娼家賤上蒙貴官眷愛妾所知妾身榮辱官主
持 貴官何人貴官昌平侯銀渠瑣甲金兜鍪挈兵備
邊去聲名赫赫邊關頭 春花再妍秋月再具貴官不
歸妾身有誰屏我粉黛結我裙帶要使官來無妾疑
彼釁禍者土木天子聽讒貴官賜戮大市日慘飛沙黃
鐵絛纍纍刀琅琅冤哉乎忠良妾不得上叩九閭爲官
辨罪開覆盆 莫言來無益轉使妾相累妾已辦所事

公先行妾隨至公死忠妾死義 墨面縞裳斷續淚行
吮血縫頸抽鍼線長爲公完父母遺體妾有吳練潔白
生藕含笑而縊公之旁 事在前明天順朝貴官曰楊
媚女高媚女高三北京產寓園記之名始闡西南門楊
官墳下有蘼蕪草上有蝴蝶同心魂

孔

憲彝

招同梅

曾亮

朱

琦

潘曾瑩曾綬

黃

憲清

張

際亮

許乃常

張

敦瞿

陳

丙綬

秦

細業

黃

秩林

飲

尺

五莊餞春

八廊玉葉紛葩
平筵置酒深碧窪
不寒不暖捲湘幕
微風繚之楊柳花
柳花疏疏嵐不遮
薄嵐遠吹如薄紗

澄川一睂初綠葭葭心小翠舒荷茄車馬無聲午方靜
暗旆斜捎女牆影過門斷燕衿可憐匿渚纖鴛夢難醒
天將遼闊送紛葩人以年華惜清景騷情寂寂蘭茝交
華羽毵毵鳳鸞竝百五十日飄流光一十三人同異鄉
薄官易愁青髮悴志士苦挽朱繩長燥喉半寸競蚓竅
滄雲萬里思龍驤醉裏疎鐘鄰寺晚籬陰落照茶烟黃
烟光融裔清襟抱各自低頭拾芳草芳草關河斷筑悲
金粉樓臺杜鵑老出門但見千里遙後會難窮百年眇
羣公精采慎相保母任風流散枯槁

同潘同年

會瑩

過崇效寺看牡丹

上郎羅名妹張燈夜堂宴太息小戶家美人草同賤奇
葩匿冷厓但與惠風扇畱盼偶得樵遂若笑生面郊南
有名藍附庸洛陽縣頗聞琉璃藏絳霞疊如茜到門停
犢車衫痕得春舊肯以婀娜姿獨讓佛心眷西山濯翠
屏城杪潑初靛病女愁涼雲背闌未梳髻怨彼香海深
柔絲曳輕燕倒吹一瓣紅偶來袖邊罨禪寮聖蠟牆題
詩惜無硯聊攜玉茗壺靜和露氣嚙高鐘揭層雲流旭
動明電遂有萬鳥聲環花遞成片老僧甘坐枯三月不
出院偶從窻影移一瞥幻相現地僻人過稀久畱靜逾
善願得百琲珠篁陰勝蟬鈿

同毛

松齡

沈

肇熙

吳

大田

遊萬柳堂書壁

驅馬畿東萬柳綠一折一紆隨路曲日光篩動梢頭烟
烟末紅闌見樓屋登樓不見萬柳絲但見明淥搖涼颺
涼颺霏霏動樓影明淥浮浮碧天靜低有鶯語高燕飛
燕垂紅袖鶯黃衣鶯歌燕舞畱春嬾我憶江南夢中醉
眼前客盡江南人低頭解唱江南春低頭忽見空庭絮
淒絕殘春畱不住三月春歸人未歸春歸不去畱何爲
城嵐落日君低唱滄海流雲吾遠悲落日不落鄰鐘催
流雲來展西山睂西山黛睂如可卽默與西山致離別
滿樓山色青濛濛荷華開時多好風荷華開時燕鶯去

我亦迢迢在行路誰來賞我壁間句細酌荷風寫紈素

四月二十七日同蔣同年

湖南

熊鰲尹

松之

陳明

經鳳孫

小集江亭醉後次蔣君原韻四章書壁

蓬萊相對玉峯高酒陣筵翻三峽濤
帝極星辰森象緯天鈞日月轉鴻陶
太平身世真宜醉草野文章亦自豪
幾輩正聲叅雅頌未慚仙骨冠花曹

玉轂金羈八尺龍朱門貴戚黑頭公
慣來此地爭消夏讓我今朝獨御風
山迴樓臺無障翳天連溟渤極清空
別開小社娛鶯燕不假前旌樹隼熊

詔也

子

能歌袖影影熊生

容

擊缶和吾簫殘春絮海烟

復莊詩問

卷二十

十一

大梅山館集

千里昨夢蘆溝月滿橋泉石勲名申誓約人天籟響雜
談嘲無端出入相狼狽座有元龍秋穀意亦消

東郭高楊被露清西山晚翠切樓明短歡北里拋吳紵
佳節南天感蜀櫻倦馬頗愁前路闊啼鵲不慰異鄉情
諸君珍重長鞭策策短吾還媿祖生

原作

回始 蔣湘南 子滿

雲萍小聚一亭高風捲蒼萊起怒濤勝會難忘黃叔

度

黃樹齋侍郎
屢邀集此亭

新詩宜付薛陽陶花當倦後歌猶盪

酒到酣時笛亦豪更喜西山來入座分青此日爲吾

曹

誰從藥店唱飛龍
驚座才名有孟公
氣感德星輝舊雨
賦成雌霓鬯雄風
深譚各抱千秋恨
投刺還疑四海空
領取拈花微笑意
句章姚與豫章熊

禪心定後絮難飄
舊願深慚謠洞簫
萬事都歸張翰酒
十年不豔馬卿橋
文章花樣來賓戲
跌宕風情入解嘲

叶

醉後畧嫌豪氣在
胸中五嶽未全消

畢竟風光四月清
霏霏梅雨潤春明
客中意緒披青荔
夢裏家山熟紫櫻
掃地焚香他日事
毀車殺馬此時情
那堪更聽思歸引
早辦漁樵老一生

聞定海警感作三章

何爲冠山鼇不扑海柱傾升臺望南陲鶉緯如元冥邈
年魚鹽荒民力困多停轉希意外危鼠竄堪逃生城漕
兵數千老稚充其名積習素游惰食粟貪太平偶遣戒
備嚴餒志中先萌示隙授其潰安待來勢橫何況呼救
難絕島懸孤城凡理有緣始禍實誰釀成俯讀 天詔
頒我 皇真 聖明僅以失機責減罪予之輕

狒狒獸之類居然人其冠容納不相拒須臾 天恩寬
三苗竄舜世終無不格頑奈何遊釜蛙妄思揚其瀾虛
實使盡窺目前尙匪患豈真砥海臣嶽嶽無太山吾縣
拒百里唇亡齒愁寒頗虞風鶴聲擾我家室安官吏謀

一身猶苦身手單，剗肉醫瘡瘕。奚補斯民艱，事急策所全。不如豫於先，何當叩九重。陳我書萬言。

催友同束裝，相謀急南返。夢昨鄉里歸，愁雲刺心眼。病鳥將衆雛，翼搗未能撥。飢餓信不辭，但求喪亂免。大澧森南關，蛟龍設天鍵。自古稱巖疆，未遭殺戮殄。庶賴蒼昊仁，得延片時喘。所悲食肉流，當事半庸懦。更遭挫衄餘，周防亮難善。似見風燈中，巡軍夜徒跣。此行沙路長，難追白日短。安得身爲鴻，力借朔風滿。

蔣熊二君同錢生憚生餞余城西酒壚醉歌畱別與君尋歡日，飲酒頗道歡。樽聚能久尋，常此酒開此筵。

不信明朝竟難有明朝有酒還坐筵坐中無我當不歡
今朝坐中尙有我已使君淚流如泉薄雨霏衫庭拂烟
楊柳絲絲高過肩入廊畫燭一齊上廊東玉管廊西絃
誰知十百燕鶯裏匿有四五枯聲猿燕鶯那識猿苦哀
低歌曼唱交徘徊錢生亦能歌爲我一字千折迴惓生
亦能唱爲我一咽千惻摧蔣君擊筯促繁節熊君起立
而擲杯使我浩然嘆喟不自主羣來揭幕相疑猜禾黍
關山夏已盡秋翳橫天亂雕隼一行動作經年別一哭
真難此時忍管聲如蟀絃如蛩繞座還來助淒緊未別
且弗哭有酒當飲之勸我以醉何敢辭君還聽我前致

詞西夷擾亂南海陞吾城百里呼吸危父母兄弟妻子
離散不可料此行生死吾安知果能經年而別復相見
仍當與君歡笑來酌青玻璃不能與君重酌青玻璃當
筵短短一寸燭黃金千萬難換移何不倍其歡樂似前
夕於此飄沙落木之夜少駐春顏顏不聞雞唱還毋歸
任邱雨後作

遠村初火若散螢麥梢搖動淒然青長風吹雨去趙北
崩雲過地無畱聲林叢草黑逕不辨洗洗積水如河平
馬頭貼水曳輪過出窪就砥隨仄傾仰看天際亂鴻雁
薄暉尙作殘霞明明光一綫射遙海海色百變浮赭青

海門軍艦正巡哨誰揮長稍驅遊鯨側聞鈴羽過官道
倘來報復滷州城但得親屬各安堵敢辭道路苦行征
相投野店覓宵醉落葉沸與哀絃鳴夜中夢醒得清霽
流珠隱見天南星

歸途雜占九絕句

十年囊劒走天涯塵眼誰知古押衙且訪蓬萊騎虎去
任渠春雨泣桃花

未識人間舌幾存紆籌密策總難論可憐遍地金銀氣
化作流虹亘海門

花擁青天鵲樓明珠絡角嫁牽牛漫誇十萬金錢賜

有女空山怨白頭

風蒲獵獵戰斜陽
旅雁紛紛未息翔
翹首南雲望吳越
垂天晚色極蒼黃

記傍冰簾拂翠漪
醉橫玉筴唱將離
可堪一樣斜街月
今夜荒城照柳枝

聽說屯兵滿汎臺
危潮沸角盡生靈
不知名將誰嚴武
手敲匈奴獻捷來

四絃忽向醉邊聞
冰鐵琤琮攪夕氛
疑是秋潮翻骨母
樓船夜哨水犀軍

吾友厲生東海客

謂白華

軍中消息昧存亡
昨宵破店夢

逢汝手挈嬌兒兩髻霜

歸後親孥各無恙相期釐菊話秋后吾生共托 皇仁
厚敢信清平有亂離

鈴騎

鈴急遠塵開南州飛騎來傳言極茫昧側耳一驚猜
聖慮頻誰慰民亡亦可哀長天風色厲終使邊纖埃

恩縣秋感四章

勒馬東齊古貝州蒼山滄水漫難收祆虹避日天閭皎
禿鷁搏雲溟渤秋破壁涼鐙搖劒氣危譙短策逼襟愁
更凭高阜看明月黃水西來萬里流

雨過沙塲草色微寸心默與繫斜暉
伯吟杜老無家別誰惜劉生下第歸
囊角宿糧搜稗葉城陰故屋夢柴扉
輸他鷗鳥馴眠處淺水叢蘆有釣磯

昨聞夷虜下連檣瞥若驂車大路翔
但築水城當石虎誰彎天矢射星狼
亂笳沸郭親孥在急羽調兵站驛忙
阻絕南鴻無一字更堪積潦阻行裝

北來十日別京畿南指鐮岡未息馳
同侶淒涼驚病鶴孤心懸絕挂危枝
未愁珠斗生芒角強對金樽破涕洟
多少東山哀樂感中年先有髣絲知

羸馬篇

霜鬚纒颯月領俯尻肋嶢嶢骨可數廢餘真力養彌銳
萬里長風恣吞吐圉人屏置廐牆外朝夕鞭箠極凌侮
誰知血性不可馴脫縛翻空去如舞君不見華鞍八尺
高璚璫影纓紅照雙青瞳蹴花臥草極驕貴試之危坂
皆疲庸吾爲爾馬悲遇窮肉相安得真駮龍辱隨駑賤
索芻粒何如老朽荒山中

大野三章

平山入巨浸大野返行車犢口卑難塞馬頰遠誰疏浩
浩卷風柳飄飄沈水苴宣防遺策在媿未習河渠
層雲作緞色電影射津門雨挾荒沙去風追鷺鳥奔秋

光歸斂肅夕氣接渾淪秉燭誰能寐牀牀屋漏痕
青蒿胷牆棘白蟻散庭柯窪路繩懸筏低門礎障河量
槽芻價重峙稅麥屯多滑滑鳴山鳥行行喚奈何

東昌

片帆如駛下河東浦葦城楊一碧中久抱明心期夜月
爲憐疏髻避秋風鵲華山遠無雲到雁語天長有夢通
揜燭深宵橫短筵空餘幽怨落濛濛

北沙灣

斜月移危檣微風振疎領露葦匝川密烟黍蔽原迴天
碧澹星色沙白明樹影漸續蛩語繁轉覺夜氣靜曠宇

渺獨立羣象入孤警心腑難繫持迢迢墮滄溟

濟甯

雲鳥向天沒烟帆振郭行涼風彫柳色急雨送潮聲上
驛安山抱高原洸水平賀公畱宴處樓檻尙崢嶸

魯橋行

奔流百道充東灌泗尾睢尻浸天半斷鴉零雁漂無所
輦帶荷衣極零亂我帆如葉中流行聽所休止無畱停
貼雲烟樹繚西北東南綿以羣山青碭山頰首芒山聳
一一潮頭挾飛動乍迎薄日凌風笑忽射遙陰壓船重
船人櫓鼓還鳴鑼客橫長筵吾高歌真疑白地接蓬島

徑思赤手驅黿鼉趙村卑與尤村接廬舍牛羊盡飄泊
可憐堤上千章柳時向萍邊露顛末頗虞七牌南陽傾
衝流下決魚臺城囊沙無術塞瓠子令我涕淚思白英
山東苦水浙苦兵客愁家難何時平願挹此水洗兵甲
頓還陸海俱澄清

過挂劍臺故址

寶物無千年風火幾磨淬皎日一寸心永與九原佩孤
臺已不存老樹亦枯潰牛羊上壟愁榛葛蔽烟晦長天
渺後期曠世有遺淚但畱滾滾河南趨下吳會我來覓
荒址落照動衣袂雲際張秋山古色兀相對豈必然諸

輕始爲名教，懟地下多故人。內勤集羣媿。

曉泊朱姬莊

漁臺聞曉笛，湖氣入單衾。雁外落殘月，鷗邊明遠岑。愁多因夢短，涼重覺秋深。一角木蘭寺，蒼茫何處尋。

淮南秋夜

夜涼不成寐，寸心曠無依。登艫望列星，白雲迴四陲。三台拱紳笏，上極臨紫微。銀潢欲東注，大火流正西北斗。高在瓠下射，朱鳥低九道。各無素貫串，千珠璣大千散。金碧露色浮，澄輝重淵兩。日月息影方，太希但餘萬家。夢來往虛空，馳吾當叩閭闔。佩劍凌祥霓。

雜詩四章

長風從西來萬木動涼色吹我遊子心浩然向淮北淮
雲連海陰中有千里翼不畏關塞阻高飛往安極縱無
網與羅罾繳善相弋莫貪梁稻肥去爲求者得

出牖復入牖險若瞿塘難努力挽長綆舟子不得安進
退關寸尺呼吸爭流湍顧彼磯上漁垂釣方自閒有笠
可蔽雨有蓑可禦寒笑我風浪中長路愁瀾漫

古劍闔光彩不如出冶刀匡衡有懷疏欲抗天關高叢
林誰試弓墮地多鴻毛詎思西風中零羽聲哀號崇蘭
變爲艾安處無一巢東南半江海橫流方滔滔

苦飲吐其鬱長歌振其豪百計覓歡樂彌使心癯勞迴
風洗晨滓遠見梁父高白雲不可顛危松沸如濤屈子
不放廢千古文無騷其芒炯天斗柄在今誰操

風颺颺辭四章

風颺颺其颺乎水漻漻其泊乎舟以爲駟乎凌高原其
相綽乎胡汎汎之不如舳乎

碣乎芒乎其蒼蒼乎泗乎汴乎其濺濺乎綿嶢嶢其阻
上驤乎云擊蘭櫂以晚汰乎

擷翠隨之芑芑乎將濯以龍淵之湫乎盎洋洋以漉瀉
乎縱吾醉以浮浮乎意之戛軋其誰儔乎

駢雲駟而偃蜺旄乎左佩玦而右以橐平鳴天鳥之噪
噪乎攬佳期以爲嬉敖乎抑乘太霽而遠翱乎

自揚莊渡河下淮船抵吳門道中紀事寫懷六章
健脚擔我裝引我河壩行西來落葉風厲與高沙撈黃
流勢多阻掠岸無雄聲遠從楚山末蕩薄殘陽明楚山
如我睂苦含憔悴青殘陽如我愁慘照橫入漠黃流如
我心急去無畱停使我懍懍中百念違平生活帘出茅
店坐且濁酒傾自撲衣上埃畧使肢骨輕萬鳥趨過前
四望雲欲冥醉還擊箸歌聞者多涕零

長風飄大纓遠見鈴馬馳急切欲相問鈴馬去如飛後

卒四五人徒步不及追言調徐州軍期限三日迴聞言
喪我心同侶面如灰豈真家已無此去終無歸努力趨
淮河河上聲如雷云是壽春兵項從西路來索船同索
通船盡奪馬騎可憐官口暗頓足難指揮頗聞江北荒
自食近苦飢詎料蓄廩餘還供軍糧齋一家不舉火勢
及里黨危無食尙有家無家當告誰

百覓得一船價昂不敢爭市內餉緯夫促其星夜行爲
言劫盜多往往遭虜撈巡汎雖有官安能窮察偵邏復
浙東亂梗塞還難憑列砦齊山東犄角朱方營白日無
過鴻愁雨攬笳聲安知九泥封不及丹陽城使我廢食

歎獨立眠青冥似見烽烟紅上逼欖槍星其下雲淒淒
淒與祆霧橫恐有戰死魂淒淒同鬱凝鬱之久不散都
來凝我情願借金神颺一蕩江山清

十十復五五津頭打津鼓日出西北風撐船下淮潯千
船齊出關軍船雜行旅旅人語軍士未言淚如雨自離
舟山城十年作淮賈昨信茫昧聞妻孥慘遭虜軍士還
與言充名隸行伍名兵實則農能犁不能弩去當殤異
鄉敢期還故土旅人還鄉悲軍士出門苦歎我不爲軍
歎我不爲估何以中道間同來受淒楚墮葉魂共懸荒
山夢多阻心氣吾幾何安能不消阻

同侶皆浩歎顧我籌未然各有親孥存存亡今難言爾
我如弟昆半載同食眠萬一遭所凶所戴匪異天當謀
生死宜視此白日懸白日有晦明心腑無磨鑿莫爭匹
婦仁枉與溝壑填斯言未忍終痛淚交淪漣逆向西來
風灑與東流川川以風蕩迴淚以心沸煎萬籟無一和
萬象無一妍有象但成夕有籟皆成鵑安知身所之前
路非黃泉

行路日益近訛言日益多信之盡不疑中道將如何昔
言丹陵危昨下蘭陵阿昨言蘭陵阻今已毘陵過視水
仍漣漪望山仍嵯峨且傾樽中漿平此心中頗心頗不

能平擊箸還浩歌何以聲悲涼絕不驚寵醜瞬息抵金
閨維纜城西河到耳鄉人音歡笑原無他始將九地魂
復挂千尺柯遍詢得其詳證合無異科噩夢胡不安殷
氣胡不和稽首謝上天誰實瘳我瘥驚定心轉悲有涕
還滂沱

泊舟胥門蔡

學洲陳佐鈞

過慰

未敢遽疑夢分明是昔顏苦情焦短燭暗爽遙遙山酒
爲危愁洗天教穩路還與籌歸後策詎獨慰孤孱

泊紹城寄蔣

湘南潘曾堂

兩同年都中

紛紛落葉蔽烽樓寂寂孤燈住越州風雨亂山迷獨雁

關河哀角近殘秋
綈袍未拭塵中淚
帶劒能知海上愁
珍重故人臨別贈

倉卒聞警苦不得歸二君各贈重贐

而今已許慰江鷗

當解劒歌七章還家後作

捷篷望山瘦
睂一彎
日色窮窘
雁愁出關
過山望江橋
旗罨空樓船
如馬鯉魚正
風升江望城
弓刀列營秋蒿
不綠斷角自鳴
入城望市十戶
九徙驅驅而過
但有羊豕
出市望門未夕
氣昏東鄰
鍵戶西鄰
葺垣

到門見稚子
稚子還嬌癡
喜我遠道來
急呼牽我衣
升堂拜老親
老親苦顛顛
喜我遠道來
含笑撫我背
入室覓病妻
病妻竟彫瘦
喜我遠道來
下牀挽我袖
阿妹從

我後阿弟趨我前喜我遠道來環坐聽我言

壺有宿酒俎無鮮鱗甕有剩米竈無束薪脫我橐錢呼
僮入塵柴不必捆魚不必鮮饋面而食晚食而息嚴城
斗高中夜月黑殘燈不明亂笳相逼和以枯篁摧摧側
側助以餓蛩啾啾唧唧蕩以孤心掩掩抑抑掩掩抑抑
傷我心海天萬里愁雲陰牆東又急鄰婆碇

園中葵折以摧雨打壁風倒籬黃雞餓啄莓苔木葉落
空階堆烟釜剩粒愁蛸蟻家人顧我言六月避亂昨始
歸門庭復整掃典琴鬻畫供三炊歸來未十日爾亦失

意都中回

六月定城陷家人俱避
亂江北後倪村殊氏莊

我行信勞悴家人共

復莊詩問

卷二十

三 大梅山館集

狼戾狼戾鬱伊顧我而嘻不愁無食不愁無衣但愁瑣
尾終流離

東門碌礪西門櫺木千夫挽鉤沈船渡頭軍宿無厦官
行無馬風酸雨淒沒脛爛泥朝報軍船來暮報夷船來
吏胥絡繹奔行臺行臺大官汗如雨當路來聽百姓語
昔日官如虎百姓如鼠今日百姓如狼官如羊貧戶當
役富戶募糧官不得案百姓不得牀此六月間吾邑事
告我聞之心惻怛

夷船伺關不入關調軍如蟻營壓山礮車列岸旌旗翻
長刀出鞘弓滿環似能踴躍堪同患坐疲奔蹇倏及秋

晚軍心漸弛流民漸返謂揚 天威已往撫綏惟赫赫
皇命孰敢抗違謂守藩職已來附依惟巖巖天塹孰
敢犯窺封告 天子 天子曰噫榜告庶民庶民曰嘻
於暫亦宜而久則非

昔我之去雨雪載路策蹇而行誰慰窮遇今我之來烽
烟滿臺履棘而處誰慰愴懷閉門亦愁開門亦愁相色
而動不如屋鳩離家亦憂在家亦憂脫機而逝不如海
鷗今所止棲知誰之望呼安吸危誰料明日言具我糧
言謀我資言橐我衣思遠徙之徙將曷依

同馮廣文

登府

飲月湖寓樓

攜尊聽我歌清淚，敝裘多去水去帆急。高雲高阜過天
催殘日盡人，奈鬢絲何未分猿招隱。空山種薜蘿。

漫興四章

蛟虎山川冠海雄，天鈴上浙更無東。鉤援七省邊防要，
琛寶諸蠻貢舶通。十月寒衣聞拜賜，三年積庾未愁空。
願渠不借班家鑱，立建清平汗馬功。

戟幕樽罍白日徂，如何巧借衛身符。沿門追呼去金錢，
急繞堞傳宣將士。逋君子六千，悲猿鶴潢池十萬弄。荏
苒從來激厲資，明慎莫道汾陽當代無。

松蒿攀援重本根，嗟哉釜底逐遊魂。祥和不諱干戈氣，

枯朽都蒙 雨露恩何苦焦頭稱上客底須黥面入軍
門獨緣北垓舉雲望兩霍經潮去淼渾

豈真重鎮仗俾裨未分危城布敵旗上將虎頭能食肉
荒輿馬革尙傳尸 天憂久抱誰遙慰民力都頽賴急
持慚魏杜陵無善策翦燈茅屋獨吟詩

冬日月湖寓樓寫懷呈黃明府

維同

一百韻

水氣不濯簾青塵上刀韞手撫牀頭書頻思付焚燁托
生類廢材安庸口嘍噪眼憎涎面人奇蹤雜蘼獨風以
趨漸靡勢難理相詰山壁高雲劉泉聲下流汨我惟中
自持緘趾畏踰秩屢防僮夫仇恐遭妒者尼傑哉魯直

公顛危致親暱勃鬱小子懷敢辭罄情述今秋聞亂歸
夢寐警荒蕪兼程循長河健夫挽繩絳倉皇淮徐間調
兵帥符密薄日搖岸旗軍行戒私談同天昧死生誰當
保家室及歸喜幸存重依老親膝頓令懣氣除一發笑
聲啞耳聳城根濤助之暴風颶接地砂礫翻摧折到榛
樺炯目蹠絮衾及曉倍森凜單寒憐病妻尙御嫁時裙
擬貸鄰家錢十家已逃七遍謁親邨門清辰至昏戌彼
皆艱自生實非吝賙卹免從南市爐脫襦換饌餽憐彼
童無知嬌猶索糲粟慰誘恐不工奚忍惡聲叱某某稱
素封挈眷早深逸穴地爲窖藏黃金葬千鎰守屋傭僕

刁峻價發禾稗驕橫啟亂苗詎止藐官律簌簌良自雄
孰拯餓民疾明知女口瘖委云予手拮慙此增浩歎吾
貧信所必因憂十月霜朔氣緊慘慄棄棉錯敝襦橫簞
促縫紵蓄盎鮮米鹽終窮御冬術焉有駘蕩風潛吹向
蓬華而公知我歸郡書夜傳駟於我身及家覩縷具明
悉輒生何技能勞公降詞恤遽令原憲厨獲充元亮秫
招我棲郡郵命我理細帙郡郵樓面湖高城抱崑崙樓
陰老樹枝交空戰矛鉞樓下葵根黃頽陽絮殘蟀樓外
橫凍煙枯萍盪昏沕下有萬鱗蜃上有萬鴻馱我醉當
其中獨歌亂等瑟歌角厲齟齬歌商淒唧唧朝歌答漁

柳夜歌揜胡策惟公知我心勸我弗摧踣繫公宰吾邑
立政尙清謚百冗綜緒端繁絲得梳櫛宜俾積弊除昭
昭著畫一怒或懲梗頑亦非濫刑枉民緣罔肆奸造言
互評隲蒞有君子官詩誰賦閑佶媿因文字知屢顧逮
衡泌急機踰流沙輪牒抵犇驕咫尺潯州城傳報一夕
失馳鈴奏九重請命簡軍實帝勅中丞公司閫
代雲蹕蛟川一彈丸貔貅聚聲吼公凜守土責身先
耆老率執燎勤緝巡煙霾手排抗天方霉伏交江柳散
荒鵲胷繭督布營利鈍審刀鑕爛泥沾帶袍安顧趾傷
跽兩旬絕夜眠蹙眉抱冰怵痛哭陳密機幾遭上帥黜

旋以失怙悲

時公丁太翁喪

衰麻易裳禪時慚鉤棘叢振羽脫

羅畢居喪讀禮經霜幃燭垂聖子影寡與依苦夢枕曲

屋回念旁午儔品難辨僑胥爭競貂冠榮百計秘搜詵

惟公陌路窮嘗蘂勿嘗蜜彼都卷髮旃民空望賢姑嚮

未聆公譚烏知始與卒今我下第還松筠樵清質嗟負

公許期昵若藉縲璉頗哀屈原放僅免豫讓漆擾擾豕

誤亥紛紛虎挾乙實嗟命不猶奚逢卜之吉匪直蛇目

儻在璫各成蛄瓶羸吁足虞援引藉長編是公扶我恩

荊州古所軼重爲陳酒歌毋辭五尊溢入牖影赭星朔

氛駛狂颺恍見三神山隱轡而轡嶮遠雲扶桑車光芒

隔天窰吾歌激愈高公醉酒初畢徑思叩玉皇萬里布
祥霧搜括蚩尤魂幽囚罰鞭扶庶乎九宇澄句萌遂春
苗與公處禪中譬諸邯鄲蠶稟性卽至微且共被暄日
公去鋤肉芝我行飢龍朮後期崑崙顛榮光看河出

散步湖上至魯底二章

北風送水南向流人隨水行忘路修綠陰一堤數間屋
却有幽人住湖曲幽人偃笠看夕陽不知笠背孤鴻翔
我送孤鴻隔城沒旗影城樓偃初月

城根兒童騎犢行往來追逐漁歌聲漁歌聲聲出蘆底
不見漁人見鷗起一鷗兩鷗飛過湖兒童拍手相招呼

不知飛鷗沒何處目斷蒼烟隔汀樹

過南郊觀赤髡兒舞鐵桿槍歌

九月西風金氣辣空場亂草帶沙拔左手障面右捫髮
日暮郊行意蕭瑟風頭一轉雷鼓戛銀電光中落飛鷗
飛鷗落地不到地翅若冰輪旋搯搯我生從未逢此奇
心待遲迴目先刮廿年讀史誇貫通誰料依然守昏瞶
東吳短人稱赤髡十九從軍充走卒瘦軀三尺俾兀兀
鐵桿槍持六尺八青帶齊眉束黃帟植袖纏肱解寬褐
倒拖槍桿行蹙蹙眼揭城門向空闊臂如彎弓作橫擔
摩桿沈吟似嫌滑忽復豎桿作杖扶以桿較身半當頽

觀者當場靜無貽園立如牆聳肩骨鉅角不鳴鼓不伐
勢有千龍走矸汨人槍動靜爭一喝弄鐵爲棉碎花擦
以槍抵風風逆奔風勁無能犯毫末千人睂顛駭寒栗
白日照空竟飛雪老翁捫喜心肝存童子趨防耳根割
猛然脫手愁中去人槍過人頭去飄瞥却於隔澗荒墳
顛倒卓搖搖類孤楔鬧場狂笑纓欲絕舞者低腰自纓
襪我心遽馳萬里渤從此沈陰有昭揭將軍誠爲國
愛才豈爾無名老埋闕他年凱定告天子上將麒麟
署勲烈爾返田園種葵葛

城東酒樓逢王

耦庚

感贈長歌

高城黃蒿薄日弄江上飛鴉酒尊送十年別君常夢君
今喜逢君尙疑夢風霜出門君髯斑關河感秋吾髮殘
以吳聯越山續山滿眼干戈行路難男兒在世太倉米
貧賤謀生無善體得閒隨地且尋歡相對何人許流涕
爲君滿瀉黃金壘清歌不用琵琶催過街錦騎展驕色
拂檐落葉鳴餘哀愁睂一展天雲開幕潮入峽千帆來
浩然掣爾佩鉤短徑思騎虎遊蓬萊試魂危路博微飽
白透衣塵再難阜扶犁學稼嗟我遲積炭燒書勸君早
蜉蝣晨飛松已老競力名場鮮壽考不才奚稱冠蓋榮
有命徒供妻子造君不見渡頭楊柳芊芊好一撥商絃

盡枯槁問君此來安所依
嚴秋未換單薄衣急須痛醉
買舟返鷗渚芙蓉方滿屏

枕上偶得四章

波濤不驚靜人夢懸壁孤燈
薜光凍石牀三尺高薦青
插菊滿屋當圍屏諸葛先生
已作古鄉里書生那堪武
何如倚枕眠白雲蓬萊城郭
方陽春

鳴雞在樹犬在屋東鄰病癯
五更哭月殘風緊河星高
萬愁迫入孤心勞我生寄人
作門戶食不田耕敢云苦
黃金百笏粟萬鍾朝謀暮計
甯非傭

戍士已有不歸想意氣摩人
轉伉俠將軍倘絕功名心

百重圍裏堪橫琴千秋孟浪了棋局大運中天作鈴東
蜨螂小技徒弄九月明未識白玉盤

江南底用哀開府夔州何須感工部殺戮不及從化民
遐陬萬里皆王臣城雲四卷地將曉空氣醒人似芳
草尋沾起闢湖上扉深碧湖嵐來照衣

探寓鄰牆角梅十日至十一月望曉忽見一朵歌
以賞之

牆高檐矮月一角登樓俯見脩枝橫爲言去歲十月暖
已作爛雪堆銀屏大野寒風不入城微草茁土春姿青
此花得氣倍宜早矧含元息通古靈主人識客門放扁

許客晨殿宵攜檠嫩冰幾片敗葉墮老苔一抹疎烟明
霜吹薄帽風生生石闌叉手聽瓶笙低篴翠似窄衫女
瘦雀黃疑初乳鶯爾梅困我詩遲成欲開不開終何情
朱絃乍撫天地醒隔牆湖軟聞流聲東梢挂旭看茁英
抵掌笑遇飛仙瓊累爾主人殘夢驚再過十日壓枝滿
當張帷幕開軒楹未愁扳折等楊柳寂院有鳥無人行
潔哉和靖工逃名欣然獨與吾鶴盟

月杪梅花盛開主人置酒花下餞余還鎮海席上
索詩續作此歌

倒涵春影滿樽素疑酒已注浮熱香藐姑魂輕或能吸

我俗何有冰雪腸花南鼎碧橫竹廊借與綠珠爲步障
泠泠玉蕤韻天際揜蔽百態流神光風絲纏綿敢催笛
雨氣暄好何來霜主人酒熟呼客嘗客惟舉杯癡若忘
昏燈密幄怨么鳥古蘚空山思夕陽近來吾髮將就蒼
羌不如前年少狂看花伴侶半寥落佳春逝與離別將
主人殷殷茲勸觴吾於此花誠何當但因氣密致心醉
莫緣貌柔誣骨剛明朝一帆東下滄先愁凍海欺薄裳
生教情斷鹿盧劒可容夢拾明月璫傷心天未定難已
寄臥琴邊聊復償人間哀樂後茫茫我詩代券宜密藏
還言爾花毋出牆此院不比青泥坊

月夜登城聞軍士吹笛

月明軍帳肅刁聲
鬢影搖搖短柳枝
遶海無瀾橫島嶼
平原有露拂旌旗
乍聞激笛吾能和
苦爾鄉心靜自知
蕭瑟關山同古夕
幾多思婦夢淒馳

作放歌行七章遣醉

建安七子開詩戶
似料開元有李杜
大鵬翼障天門雲
蓬萊高樓月愁午
桃花一朵開九春
彭錢李耳皆故人
西方牟尼戒食肉
帳心蚊翅垂如輪
殺人銛刀袖三寸
雷車響啞風馬鈍
短足未踰四大洲
頭戴葫蘆氣沈悶
北風吹花紅雪飄
翠翎下上雲扇搖
迴春不唱黃竹謠

後來童子青髮彫

覓火搜尋鬼門路舊侶相逢不相忤鴛鴦綺繡衣入箱
初嫁新人泣遲暮黃金築牆白玉堂羽林傳宣貂帽郎
膝迎緹騎受三木杜鵑血染麻衣霜下年傭書老豢犢
醉得黃金夢華屋廣州十丈紅棉花照見榆關數星綠
病筇夜呻席薦高阿郎催製宮錦袍伏波海柱銅不牢
巨船入滌風颺颺

斂錢醵飲看殺馬馮婦辭車笑趨野丈夫一身兒女多
恨血濺流滿腔赭青衣入門官降符玉苗刼索藍田租
荆公覲覲出鄉塾春郊蝴蝶如亡遺淒霜滿天芳草殺

山路崎嶇平路滑金樓一擲徐妃尸鐵甲西南走貂豹
狗屠不見樊將軍寬衫大帽來何人十千美酒供半醺
畫簾那有峨嵋雲

布衣長揖韓荆州立門弟子皆清流魏晉濫觴不足訓
西風墮橡驕獼猴六朝天子淫蕩祖鸞割山河餌雌虎
鞭梠重泉禹鼎姦青面閻羅編肉譜清風無情吹白楊
明月不滿團扇亡空山妖虎餓垂死花穴狐狸方豔粧
何如土銚煮敗蕨香霧春深擁蟾窟泰山壓頂口銜碣
不肯封侯攘仙骨

鐵筆不市董氏狐龍門通腹文章儒消磨萬古祗日月

地隨天運成名都鳳凰鵠有凶吉孔雀獨飛眇儔匹
東家大姑珠翠頭販婦竿挑一襖蘇富貴如火貧賤灰
妓魂夜語銅雀臺酒酣不照始皇鏡阿瞞空有天人才
瓊漿灌老漆園菌當路誰思墨蒙臙哀哉黃雀網中窘
尙剔纖毛怨風緊

焦僂罵人妒長肘長爪書生吾小友翩翩慘綠處女姿
五百筋椎挾能走清淮濁漢盤足跟眼光收攝旋螺紋
月宮八萬四千戶新從南角開一門燭龍出入寡娥怒
散髮吹笙名烟霧蒼顏作帝真宰愁雷劈青天斷梯路
以德翼世君臣和石藥何知阿子歌薰風日飲顏常酡

出身不假唐六科

酒爲鴻濛天一水開闢初皇杜康氏劉伶李白真皇孫
不肖常虞辱先軌小臣齷齪化外民日餐羞飯焚勞薪
文章啁啾屋角鬼妻孥拉雜檐簷塵其人可人書可火
萬古中間漂一我攘臂不行杜老前抱席難安屈公左
吁嗟天地毋贖輦常留佳日兼好風神仙將相皆倮蟲
有不死者東王公

登招寶山

關山萬里入清寥誰向蓬萊挂酒瓢城樹鳥還估船碇
石壇風緊將旗搖浪邊小嶼低愁沒烟外斜陽短易消

我欲移家從浩漫，曾連梅福雨難招。

孤燭

孤燭殘年夜，千箱大海營。衣糧防近亂，出處憶平生。酒
煖寒難却，宵長夢易驚。空墀聊獨立，北斗看低橫。

除日飲酒作

疎梅小竹晚娟娟，置酒聊當餞歲筵。戍隘疲軍思故土，
過江飢鳥識炊烟。靜中心氣吾無蝕，臘底江山春未妍。
僥倖一家飽煖得，微生何以答蒼天。

復莊詩問卷二十一

大梅山館集

鎮海姚燮某伯甫

正月九日招同張廣文

振藝曹文錦袁應錫史偉

倪

鉉

飲大梅山館和張丈作四章

以下辛丑作

屠蘇故事迓春陽
難得羣賢會草堂
金薤補調人日菜
玉饅預試上元梁
蕭閒客是嵇中散
磊落吾慚顧長康
醉唱烏烏橫短笛
接檐海色去蒼涼

風潮萬里逼嚴城
太白岷峨雪獸橫
折竹過牆搖袂色
狂花羃地攪笳聲
喜無亂鳥驚蓬牖
看有初梅吐石罍
聊借清譚消綺日
敢將冷福傲臺卿

復莊詩問

卷二十一

一 大梅山館集

大決關山甲馬中眼前忍使酒尊空蘇家軟飽斟三白
葉子新籌鬪六紅忽顧親拏思橘隱轉愁宴會等萍蓬
有書可鬻衣堪質吾道於今尙未窮

颯颯影纓舞太阿當筵慷慨復因何擁貂上相投壺樂
監雉勞軍枕盾歌那得洪渠成美醞願揚天水洗瑯戈
重須置酒青山頂手擷桃花唱踏莎

聞粵警四章

鯢瀾汎潑七星昏青電芒搖甲子門太息軍中移韓范
竟教海上橫盧孫荔灘飛舸遲晨哨蓮寨危笳戒夕屯
日薄風寒多野哭舞芭誰弔國殤魂

錦鉞龍臣駐五羊敢驅羣獸恣披猖量天有尺傳聲氏
攔火無帆禦佛郎早置浮梁通采石何來飛騎渡陳倉
義安自古稱區要賴有屏山鎖鳳皇

揚沙風信動南箕莫閉元關效守雌逆 命詎難于羽
格來旬須諷翰屏詩屈篷沸鐵遵楊慶積磴然蒿制尹
奇補葺牢垣籌未晚如何悵悵感羊歧

殺鬼空懸鬱壘符水衡絡繹費流輸大奚石陷潛沙鱷
中宿冰寒散幕烏祕塚防搜張越國清門誰守董番禺
可堪未復安期島又報飛機過六虞

元夜

吾生回首幾元夕半在他鄉作行客今宵明月鄉園看
負此良宵亦堪惜檐花不開庭樹羃龍脊初霜似烟白
月光依依來照人先照牆頭遠山碧遠山在牆江繞城
登城望江江水清江風不動嬌山色城頭樹色相迴紫
城頭惟聽老鴉語江上但有孤鴻聲孤鴻一聲江月午
戍卒連營打嚴鼓千家萬家早鍵戶那有華燈競歌舞
相看月色轉淒瘦照我歸來亦清苦歸來且酌清尊酒
壽我高堂列兒婦不知涼露飄巾幘乍溢餘輝入窻牖
人生離合難自期眼前之樂誰能移試看海上流亡客
幾輩團圓對酒卮

攔江步

未愁瀝血飼飢鴟莫竟攻心仗瘦鰲待伏奇軍新隧塞
善畱退步舊營移螟洲冰色明湔刃鷗渚萍光靜蟾旗
醉後影纓供晚立沙脣日黑嶼山卑

同洪孝廉

璇樞

自彭山抵黃山渡視羅通守

璋病

越日買舟從楊墅村還郡寓舟中得詩三章

地雖非僻陬窮路多側紆春深猶臘風搖動山色枯山
色落我旁暗欲冰我襦迴顧同行人容亦鮮所愉似嫌
頽陽中樹影身同臞轉樹出村屋繞村多敗菰中有門
不開是爲故人居故人病方劇守門但惟烏叩久僕始

磨見客還入趨故人聞客來擁被忘其飭一別已四年
握手驚喜俱急傾宿甕漿真氣來浹孚醉蹴庭草行霜
重青難蘇

奈何故人頗頓殊曩別時其瘦且弗論隱若中含悲面
雖爲喜容究難飾其微我素知爾心親浹甯昧之旣從
百里來且作一日怡密交無泛言語語搜肝脾起視斜
日斜照見東牆枝其枝茁一花若怨春風遲爾花弗相
怨春深自有期祗愁實未成啄爾多黃雞堂廡初上燈
圍爐復陳卮痛飲主亦歡在病憂其疲相將聯牀眠靜
可清夢依

起視江日高北風勁逾疾不知何鳥聲空庭聚喧聒漸
飯飽芋羹揖與主人別去住憑所宜禮貌不虛設往覓
野渡航坐聽猛潮齧倒影馳過雲袖影互抽掣回望昨
宿堂遠已沒山缺斯時吾故人衾當抱重鐵抱衾愁爾
鐵坐船愁我雪悠悠行止心共苦不能熱城嵐倏東迓
山痕漸西滅向晚寒益深凜難忍吾骨扣舷聊作歌浩
聲散空闊

軍營賦柳二章

亂縷氎氎忽緒爬幾人矜惜到年華昏烟慣攪迷春夢
急水難畱過浦花露薦暗籠新壘騎風旌高揭古原鴉

大江日落樓臺晚常使清絃促斷笳

弱當濃露未禁恩十萬春陽一寸魂病女忽彫深黛色
遠天宜抹斷雲痕醉無箏柱挑銀雁夢有梅花怨玉門
淒爾月睂都瘦澹浪傳鶯睡妥黃昏

諸將五章

拱衛 神畿海鏡清烽烟不到慕容城敢來內地窺

天府誰遣中官餉虜兵先奪有聲悲梗議庸才無濟苦
邀名 高宗遺策煌煌在肯與臣佗結濫盟

密詔傳宣 紫禁謨 宸心憤切盼歸俘 九重豈料

移冠戴三院誰爲請劔誅快積勞心焚象齒恨分籌米

換龍珠願還安宅邀天福多少蒼生泣海隅

割地難言尺土輕未聞大馬解輪誠譙辭敢抗 天王
券餒氣先緣節相旌巧索民輸彌 上帑苦搜亡寇衛
長城千秋史筆嚴功罪幾見魏勛武斷成

漢極銘詞表伏波四崗歡唱荔枝歌未防磨石潮通壘
還使橫門血濺戈彫落黃蘆悲海雁淒迷白日走江鯨
羯胡早餽中單戰須檄司徒守汴河

由來一令係安危太息無良縱詭隨八弊詳明公論在
萬年經略盡臣知須防閒隙供西突莫聽羈縻老北師
自有嘉禾徵 國瑞荒山靈藥漫居奇

答馮廣文社日招飲韻

大湖柳初綠鶯語試朝暎花暗簾生綺茶香屐到門說
琴烟夢闊枕劒石牀溫醉且看羣化空山道自尊

原作

嘉興
馮登府 柳東

林間收積雨月額見晴暎水驛春歸柳斜陽雪在門
海禽來有信巢燕語初溫社酒諳方法相邀醉一尊
席上醉歌贈妓

獬廌不飲惡溪水鳳皇愛占青桐枝玉潭春水靜如練
微風偶激生漣漪夙昔初遇君君方垂髫時射屏花軟
翦鸞盼裊燈氣弱吹蘭絲茗孃名姓冠三曲當筵未許

端正窺後聞瓊樹方盛豐綺芒上薄高天虹東南巨賈
挾金幣隔簾顏色無由通自慚叔夜多悲憤敢冀憐才
到紅粉登城遙望天末樓但有長江去衮衮長江不斷
千里流男兒出門行九州漫依花月度晨夕坐令青鬢
成白頭與君覲面况秦越何當歡樂何當愁七年三上
燕京道楚雨吳烟捩孤鳥長卿躑躅歸茂陵封禪文誰
賣殘稿狂名莫報公卿知還借酣歌振潦倒黃金消鑠
白日換黛閣珠簾倏秋草安能細擷斷繭絲更向紅鸞
寸心繞去年八月還海城流櫓過海方用兵海陰赤電
亂旗色城頭黃葉攬雨聲閉門只守杜陵屋從軍那得

終生纓橫胸磊砢誰消得眼見垂楊凍春色連營柝靜
江月高忽聽晴空唳風笛笛聲遠引風嘔啞薛濤門巷
枇杷斜玉釵影亂坐華燭君抱筇篻向淒獨苦將宛轉
前溪詞翻出傷心大堤曲相知不厭歌百迴有感難辭
酒千斛歌盡且弗唱酒盡須重傾不知攜手轉何許低
徊不語含遠情君生苧蘿里來住芙蓉洲苧蘿已斷不
可接夫蓉零落誰能收鴛鴦豈厭錦巢護欲憑荒渚依
閒鷗爲言淪落風塵苦懺後愁心鬱難語銀荷四燦翠
樽舉夜夜統如過三鼓燕子已老桃花飛看到苔根鏤
蒼雨時去不可畱事往空涕零晴空搖曳動烟絮力微

墮水成浮萍胡爲江東聲譽滿天下亦爾十年未換青
衫青吁嗟乎士爲知己用女爲悅已容惻惻兩心在悵
悵安所從不如君驂靈虬我文駟披雲長嘯蓬萊峯世
間一切誰爲有情物行常逍遙寂寞相與遊無蹤

軍工廠觀鑄礮二章

蔽天赤鳥隼鷹摩繞地青雷霹靂過捆橐首山移馬骨
借鉛心井索銀波南星夜辟蚩尤燭東燿晨揮夸父戈
子母連環遺制在精金莫作爛銅磨

吉筮庚辰擬鑄姦龍鈴上式祕圖頒特開地穴搜神策
願輔 天威振宿孱官與監工師役匠靜資鎮 國動

摧山咄嗟大冶搏黃土炙手愁伊有汗顏

登金雞山展先大父墓呈林叅戎

亮光

時叅戎駐

防山上

先靈窀穸之所邱十年待樹無松楸兩峯夾有白雲氣
風不過峽吾何愁太平食德守遺訓讀書未服畊田牛
媿循故事具雞黍持畚來掃山花幽山花紅彫春亦秋
蛟龍出關雲不畱轉憑劒峽下劒海夜壇自蕭狐魁遊
嗟今世事變難測中原肆逆來羌酋輪船追馬日千里
乘風直犯東南洲佛狸恣虐到墳骨飄魂滿郭陰霾搜
亂餘乞食有孫子慟枯骨血難爲仇不才何忍遽言此

殃乘未及宜預籌將軍拜檄茲建旂捐泥壘石高如樓
長蛇右迤壁三堵斜遮隧道成深溝壯士五千銅兜鍪
屈盧丈八金戈矛森巡密邏一陌地蓁隆白日喧雷枹
憑公壯氣作干盾庶其魄妥靈無憂傑哉公也髯修修
燎升饌徹同漉觴醉揮衆卒拔營起隨巖下上環匝周
公恩如此曷由報黃泉感激應涕流祝公早樹汗馬績
月氏馘頸懸旄頭真鴻挂翻天悠悠魚鱗割碧干縹浮
別公別墓各一揖逡巡覓棹西厓陬過江倚樹送遙眎
祥烟水末青蚴螭

索厲山人寫還海圖二章

復壯詩問

卷二十一

八 大梅山館集

以我心中憤憑君腕底豪
栖之一椽屋釣也六山鼇
霜雁磧沙遠河雲天界高
未能隨影滅聊復作形逃
海氛不可揮燕客昨方歸
陰火額愁爛陽天髮待晞
柳長魚正熟草盡馬難肥
倦我飛輪想從君借卉衣

郡寓閩內子病劇

城氣入昏渾頽雲莽不垠
山川尋立地兵火役勞魂
托命誰資藥離鄉已媿恩
遙知轡一束兀翠向蓬門

都門故人頻以書來問海上消息

冷眼看泉壑偷閒作廢人
匿名畱史在抉意向誰陳
瘡瘵風濤席幾微喪亂身
南雲幻蒼狗刻畫總難真

飯後門外小立

初日鄰牆草綠光
浮我衣簾疎人出影
花轉鳥停飛靜
得物之寓閒招暇者
機良時供飽立須悔
昔勞非

檢錄葉山人

元堦遺稿

刻燭豪情已換初風天
夜按蠹殘書夢長易竭
漸衣淚
息短難憑借力噓遺札
去年成死別漂魂亂國
感荒廬
月窻瘦響三竿竹依約
琴邊聽珮琚

聽歌

巡江戍海客兵多淒咽
羣鴻掠雨過慚媿蕭閒
如我輩
側身花裏聽清歌

軍讌詩五章

梁門傳鼓畫綃四懸刀不出匣弓不上絃六軍卸甲窄
衣阜鮮素暉滿城空鵬弄煙似有佳采絢乎山川朱纓
蕤蕤分貂佩蟬氣象睥睨祐名於天協以淵德有憂盡
捐願爲槃石奠千百年

皇猷式廓清曜蕩塵大勲告歲殊軌曷分窮竭山海上
醴具陳水蘭澤幕晨風汎薰目翔頤舞儀情接暄龍馬
在繫勃率中原掃門傳迓禮肅寅賓視無睽體何所怨
愼

鼙舞載宣朱鷺之毋覲吾愿罔啓爾疑藻花流媚暗

隅月嬉撲朔迷暎春芬點衣垂幕六戶祕舞孰窺虹宇
噴薄治想與追華燭再燃不思騎歸有撫劍者自識居
卑河星夜紫仰目睢睢

天海不滓朗如鏡蕞忘機謝警止艦其鳧順以爲好非
敢獻愉皎皎明誓脫掌之珠稽首北極 天皇上都泰
階文宿燦焉六符崑崙東下百川灌輸用昭宴樂厥樂
誰踰

張髯若戟醉拭寶刀空濛天綺拂落蜺旌穆迦萬里飛
霜正高夜光在握斟以蒲桃徘徊中度不聞軒囂休而
獲逸藉補前勞漿有玉枚羹有銀飴用昭宴樂厥樂誰

撓

旛帛

旛帛連江擁甲旂
胭脂滿地潑春愁
誰憐風雨屯軍苦
綠酒紅燈自畫樓

題湯

家彥

耶溪悵別圖二絕句

越紵歌殘酒一尊
柳花如雪暮雷門
榜娘薦到西施舌
隔樹春烟易斷魂

六摺闌干紅蕩花
夕陽罨畫小蠻家
可怜燕子無人問
牘有啼痕透碧紗

夏日飲帛江市樓

遠浦一痕綠沙鷗有眷心水涼忘日暑地迴得樓深靜
市收魚氣和風散荔衿聊從朋輩樂淺酌醉能任

婦病自春晚始劇至六月四日竟不復生感觸所
緣記以哀響都得二十三章焚之櫬前以代誄哭
東風飄亂花鳴鳥聲不諧弱妻方倚窗爲兒製襪屨停
鍼忽低嘆凝坐如有懷自言數日來終覺心緒乖百緒
無一歡中已傷於哀欲知哀淺深妾骨同秋柴妾顏在
鏡中鏡色昏疑羶妾影在壁間顧之生郎猜爲問今何
時春去當不回但視春不回妾已肝腸摧

自汝爲我婦與汝膠漆同但擬漆在膠氣猶嫌未融擬

之月在天月落天仍濛擬之花在奩奩掩花何紅百擬
不得似轉墮禪語空此亦不須擬各已喻諸中一日未
爲始百年未爲終形影相結糾未覺萬事窮爾愁愁我
心爾癯癯我容

自汝爲我婦未嘗我乖忤但嫌汝太明事每窮細故敢
以刻露多竟遭造物惡外動雖勝常內勞已殘蠹窺汝
力不支猶作百端護因循而至今亦我於汝誤追識惡
夢非晨鐘已將寤汝病誠何由在我轉難喻

自汝爲我婦十載九出門每計一載中數月與汝親餘
月我在客獨夢依舟輪抱影汝亦獨如我含酸辛酸辛

汝自知舍我誰與陳我歸亦不陳使汝鬱復湮杜鵑愁
荒山安識園花春銀瓶宜挹漿憐汝深潭堙

嫁夫莫嫁客古語信所知出門我何慰慰汝家能持每
歸視汝顏量汝腰帶圍腰帶但有減容顏但有衰帶減
顏復衰衰減知爲誰苦汝操作勞甚之遠道思汝身縱
金石亦當消鑠之使汝至斯極對汝還何辭

汝出延陵吳少爲貧家女身手知好嫻議聘遂汝娶

叶

且以貧士門安能備姘姥惟汝生亦貧食荼諒知苦有
食齏與鹽有衣枲與苧汝曾不怨咨苦境以甘處富貴
誰預期或待後此補卽或未可期汝甯謫終窶此意往

所存今當向汝吐

汝稟素弱孱參苓倚爲命胡爲日減餐遽使病氣勝十
夕九擁衾十晨九辭鏡畧觸吹柳風畏之若鷄勁可怜
時未秋搖落預愁髭敢料汝病危遽以死爲竟須知賴
汝多汝年尙强盛

汝病猶殫心積痼難速瘳牀蓐偶可離便爲家政謀米
薪日所需匱乏將安求促我早出門慰我云無憂勉力
整行篋反覆恐未周偶思袴未縫夜起重薰篝年來戒
兵亂近祗鄰縣游咫尺扁舟通舟疑道阻修對我强顏
笑背我清涕流

出門未忍行視病多死機氣短何有情差不刻心勝倦
烏抱霜月微命邀燕疑寂寞孤榮光住象靜逾稀如何
蓬首低戀若春陽暉面容苦日瘦髮垢苦日肥豈真數
日親已盡千秋期黯黯愁去魂藥烟飄我衣親切凝盼
問有淚吾忍揮

暗篠打圍壁颯響鳴枯枝呼童芟使盡恐汝眠驚疑自
汝病眠後日苦老母炊雖有竈婢粗僅足供畚箕譬如
衣食恒身習亦不知一旦偶失之遂識寒與飢大兒自
塾還孤影子無隨小者在吾抱呼母舉牀幃汝病數日
眠黃口已失依

大兒年十五小者兩週歲使爲無母兒於汝亦何慰此
言欲告汝又恐汝心碎誰知汝早籌見兒輒流淚呼兒
依母旁記取母顏悴他日年長時憶之庶無昧

明知百無益尙冀一息還龕佛汝所供默與漆沈檀可
憐膝下兒多病身體孱依依同遲眠使我遣置難窻風
度遙漏屈指忘其殘攪以繁笳聲汝夢凜何安命塞作
貧婦未御青琅玕甚之嫁笥衣典鬻多不完徒勞枯坐
中寸念窮百端

痛汝無父母但有弱弟親掩淚趨屋隅恐汝聞酸呻支
床苦呼吸明知鬼趣隣欲詢未了言又恐遭疑嗔便得

頭白偕亦抵一睫塵翁姑老奈何幼子汝所珍慘然入
髻眉黛斷胡能掣冰手握我懷促喘詞略陳但言毋相
忘生死君之身

有弟婦未娶汝死誰奉親況益親力勞遺之襁褓孫爾
孫各待哺我又多出門汝死長不言罪誰原我身爲言
妾死後郎須續佳婚願其能奉親弗辭多苦辛願其撫
妾子相愛毋相嗔但得新人新弗忘陳人陳陳人不如
新弗忘是郎恩妾在冥冥中看郎雙悅歡妾多故物畱
畱與新人存

妾生身依郎妾死魂誰依暗草渟星光泉臺路多迷白

日照不及趾軟愁爛泥郎目望不及渺知妾何歸妾歸
亦有自往與爺孃栖妾死有爺孃郎生終妾違妾魂倘
能來就郎匿郎衣終恐郎不知夕與郎夢期魂來夢或
見夢醒魂終離

決絕復決絕舌結無能辭我手攬汝腕汝手攀我衣仰
面視翁姑低面視兩兒有淚但盈背流短不到頤咄嗟
斯何時而我斯何爲有湯沸我心有雪沃我肌雪已冰
汝心湯不沃汝肌決絕復決絕在目昏拉摧在燈無炷
光在爐無燕灰在室慟哭聲不知誰悲誰白日沈海西
既逝何從追

日逝不再升月缺不再員誰知我有心先汝沈黃泉以
吾心所沈引汝魂來前一言我告汝汝且弗涕漣結緣
同今生汝苦誰恤憐願汝苦早離送汝遊佛天今生已
苦汝弗結來生緣白雲同青山各自悲流川

入室想所歷淒矣潘熒陽在牖爲汝几在隅爲汝牀是
汝梳與巾是汝帶與璫汝繡所未完零星刀尺筐汝衣
所未紉摺疊空竹箱攜筐置箱中間以脂盞香是汝心
手存緘閉爲汝藏且免同居人見之增惻傷

以汝心愛物拉雜充汝棺在汝心所愛吾視同草菅有
珠隕已碎安用珠櫝憐天地昏萬象塞我寸腑酸慘彼

斜月痕沈沈西下山黃雀宿樹枝啾唧亦不安我生有
今夕何由悟其端敢將傷汝心先汝埋骨寒

大兒從我寢小隨祖母眠空房未忍入往往白晝鍵微
風鳴紙窗疎竹淒生烟雖有明月時曾無髣髴妍或汝
魂戀茲倦還凭誰肩總帳餘淚痕是汝昔所彈汝昔有
愛女先汝死十年近態當益嬌依依汝膝前汝或以茲
慰吾心差少安傷哉悲女心復因悲汝緣

小兒不識悲但爲索乳啼大兒面如墨對我常嗚咿慰
使弗嗚咿我淚紛已垂又恐傷親心苦作吞聲悲吞聲
親不聞汝魂應聞之我同汝子哭汝還親切窺淚盡究

奚益不哭難强支一瞬十八年緣盡復何期兩兒汝骨
血汝當魂護持

親朋設齋奠唁汝棺幃旁是亦汝心汝須饗其觴此
後眼中人去皆於汝忘獨我一寸心繫與茲生長當擇
一尺地送汝安北邙汝生夙畏風吾不種白楊殯汝高
山頭魂行愁踉蹌厝汝下地舁恐水濺汝裳又恐過迂
遠魂歸路多茫此汝身後謀爲汝勞酌商

瀉此長江流終難罄吾淚區區紙上言曾何盡汝意屏
在汝所依衾在汝所睡胡爲我獨凭胡爲我獨寐瘦苦
緣砌頰斷篴不能翠一燕晨相依孤燈夕相對如知鰥

也艱輕別往徒悔以詩告汝魂當知我心憤上戴爲蒼
穹下履爲大塊自斯六合中形影兩茫昧

喜羅通守來郡養疾

經年烽火迤江臺作賦難爲庾信哀屈子攀蘭循澤到
王喬脫屣自天來壯懷已盡窮生拙道力能堅旦氣回
萬寓升沈蒼狗幻且招瓊管作清罍

近聞十六章

赫赫龍旌握上樞近聞進退聽齟齬暗山夜逸諸羅馬
急水晨漂大担鳧待率驍軍衝突厥誰分輕騎走來蘇
赤嵌城樹多雕隼飛向沙磯啄亂菰

忤佛天魔亦易馴
彌縫轉覺費艱辛
改言刊兩情熱戚
頗道先謀出相臣
槁里祕辭探兀室
潯陽微服走廬循
龍巖自有防奸略
莫笑迂疎論越秦

羽檄東南限刻辰
過關鈴馬蹴飛塵
暫移鹽稅充軍餉
苦借官符獎勇民
香靜須知巖有蕙
烟寒莫怨突無薪
頗愁支絀成疲懦
誰疏艱難告九宸

誰譖群鸞困鍛羅
斯人不出奈民何
回天竟納烏臺牘
膏我旋聞赤子歌
已鞚飛輶馳雨雪
定懸華鏡照山河
軍容澤以詩書氣
自昔汾陽勝伏波

中外懸書在狗名
居官報國在肫誠
受恩可守王龍
復莊詩問

誓扼險宜循趙犂兵漫笑縞穿強弩未幾聞耳揜疾雷
聲好圖有益酬 知遇銘佩圭辭慰直清

飛書告陷永興塘遣吏宵馳勘石防險使湘湖成雁澤
愁從陸地指鼉梁斯民共切天心警此日吾期守土良
莫畏尖山犄角勢鎮東軍府是巖疆

岑江月黑橫羣梟誰遣飛軍縛此徭侯鑒早屯姑熟騎
王琳不引合肥船夜堂擁炬虬髯赤春界搜花燕羽剽
十六海門漁食盡令人西望憶嫖姚

甲帳風傳豹尾清濟時經略有平生瀟船夜蕭窮洋哨
礮壘晨籌絕地營救困權移河內粟招亡漸集荊州兵

郁離風采今非遠露布行看下馬成

袞袞羣公議滿朝誰陳上策禦羌遘牛輸漸苦通舟

竭犬性難憑給市要上谷春冰愁易泮禹山秋颶不重

驕乘虛可作黃龍戰莫待羊亡悔補牢

叶

蒲城柱石韋平才銜命陳畱代狩來甲子未傳新市

捷庚辰又報汴河災東盱鳳埧看晨啟南頓蛟雲尙午

頽恤爾中達鴻十萬驚弓海鳥有同哀

游平練卒抵龍驤傳說金門布戰檣赤浪果翻昭達炬

青磯誰護伯顏航猴墟路斷空漂骨燕洞山遙枉夢鄉

多少蒼生齊舞蹈南天望氣卜青祥

下田積潦盡超河到眼生機晚綠多嫩稻香甦雲護葉
高棉晴照玉垂柯幸消大沴成佳壤共飲祥暉祝偃戈
逆浪鯨鯢驅有日豐年歌後聽饒歌

聞說淮徐阻惡瀾南歸漕艘渡黃難調防地已空兵衛
肆悍人愁起釁端奉命未妨乘勢撤相時頗見積心
殫西風到峽無驚鳥或仗天庥底算安

漏網餘生尙狡頑竟來窺伺九龍山勒兵莫中稽胡詭
拒敵容愁斛律孱幾費金錢填鬼穴待銷鐵甲鑄神姦
夜中風急軍門鼓粵海馳書到浙關

虐雨饕風七月天雁思稻粒雀思綿危星遠極飛檣落

刁斗空城噩夢懸赤石鈐門無峻壘漚瀾通海古長川
莫忘信義相推與試誦南行尊鼓篇

紙上空言咄爾豪調渠未肯試吾刀防疎已類開門揖
氣餒難籌破釜鑒儘有流民尸逐浪可憐上將血濡袍
願投荒谷牽蘿隱委恃雄軍有騎旄

張培基

作耳聾詩見貽依韻答之

冥心貫真始獨澈清夜言孤陽中黍微以坎孕其元盲
風吹譟辭散漫無根源笑彼熒聽多不森靜室藩仙語
雷過駢佛定虹挂旛未導至幽窅難通衆妙門視天若
夢夢成性終存存悅辭春鳥歌苦謝秋蟲喧大叩俟鐘

簾小悟資牆垣多疑人或狐善嘯我還猿安庸斷障礙
庶幾懲勞煩漫思君子聰早鈍前世根吉祥止虛白一
例忘朝昏

原作

鄞縣 張培基 子羹

七竅不可鑿莊生有寓言今子克兩耳庶幾保混元
至人不蔽物反聽濬心源心源歸湛寂塞兌嚴籬藩
尙嫌兩目明淺見辨風旛務光傳七寸老子誇三門
究其司聰者在乎谷神存惡聲自不至懶洗甯聒喧
機心亦弗動詎復勞屬垣有感淚斯下觸處非啼猿
有歌還鼓缶熱時非酒煩完彼清淨田漸以清六根

慎勿以藥治決牖令神昏

寄馮廣文

黃葉不成秋亂峯都在樓獨居惟有哭遺想況難求暗
雨淒城角驚颺墮渚鷗誰憐數莖白近已上吾頭

大樹篇

榛櫟滿當道大樹將奈何大樹梁棟材未應遭折磨大
樹遭折磨爲其倔强多枝柯不如榛櫟氣柔靡得憑天
相邀陽和吁嗟乎大樹大樹空離奇曷不空山偃蹇化
龍臥養精蓄銳完爾姿斧斤無爾及白雲無爾疑必欲
抱其孤心耿介巖巖以獨立而今也非其時

酒罷偶成

露宿無家感戍徭
暗風悲響有啼鴉
好奇吾畏人心叵
作矚天愁地氣凋
亂草糾烟浮郭暗
奔雲隨雨入關驕
夢夢此日宜沈醉
況我長生五石瓢

雜感十七章

九城上閉天龍守
門日月在橐水爲
元根含胚抱一汝
汶渾渾真濯外濯
大丹內存盤古不
世何有朝昏
織杼成匹經緯不
曲天以素澄在水
爲綠準常例變因
寄得觸嘉果雖甘
笑於菽粟粿粿聖
人葆躬無欲
傳巖一鼎活及天
下荆舒片言怨詈
潚野繁辭真聽不

如瘡痂百里而踣豈爲駿馬嗟嗟蒼天竟無悔
凝寒四極陽曦自暄層冰如雪不塞崑源松喬百尺峻
猶可援立危弗慎墮將孰寬亢上非吉守貞俟元
神姦禹鑄變難盡窮星孛越紀鬱爲淫虹六合一雨旱
魑蕩蹤秉持玉粒齎拜獻公天難往訴惻惻其衷

填海爲陸鼉蛟曷遷柳谷息日緯星亘天龍門之柱樸
卓不鐫持握地紐奚止萬年願窮歲月凌風泝沿

藥可駐齡命授草木餌之失宜稻粱醜毒元冥司化以
斂爲肅蒼龍一鳴萬象華縵東作芸芸寸晷如玉

萬蟻穴庭闔寂無擾橫覽太虛托身皆小口食體衣孰

復莊詩問

卷二十一

王 大海山館集

壯孰老有根不死遜彼黃草斂金如山何潤枯槁
樵能運斤不入獸窟漁能涉流不投溟渤邁有所窮亦
以應猝持強試危氣挫卽蹶驕慎之懸猶秦於越

犇雷其聞在聞咸敬永茲畏愆何有梟獍青陽布熹句
芒持柄大造罔榮不憊不病莞乎昭昭天之所令

繡旗在前朱冠結纓天人來下道路讓行天人何居巍
巍五城元都並麗莫績莫名亦有神虎守戶其獐

熱海冬沸冰山夏寒以反抗化昊宰不歡乃命豎亥窮
其究端義媧含笑指掌弗言且騫琪樹往馭青鸞

萑蒲台台凋落係之穉蒙熙熙耄稚倚之蘭衿其郁不

如瓊襪餌華之蠶蠱性妖媚危於髮鉤已晚吾心
酒如澠水門有高車麝烟四並瓊聲在虛狼藉意氣結
交市屠東家有子牖下跼居饗不給夕一經自畚
太行可袖選懷非賢百家戰舌六經墜淵蟬蛸有壽甕
雞自天短晷未盡飛蓬轉烟莊蒙譚化誰曰真詮
伏鷹一振宿鳥向人蘖弦已斷翹首踐月黑大漠風
吹去輪荒山在眼鬱以愁雲中有奇士吾但耳聞
斧山山開鞭石石走盜跖亦人可以朋友臂掌運氣力
在寸拇案戶漢明上絡箕斗長歌短歌不如飲酒

夷警日急冒雨送婦柩暫厝江北張乾硯

海潮入牖城翻盆六營軍馬悲聲吞墨纓童子束蒲襪
扶輦曉出西郭門四田甦綠吹稻痕水蛙百部烟塍昏
竹旛風拍偶聞哭紙錢灰濕難招魂鋪短不勵黃泉根
磚場爆簣無晴瞰野傭跣足把油繖遮防斜雨當隧門
嗚嗚復咽咽狹港九折蛇流奔奔流欲衝岸一折迤過
三家邨遠霽疑湘鳥羈雁險雲作蜀吾哀猿蘆笳淒淒
峒蠻語旌旗隱隱貔貅屯高秋氣肅歸大渾窆堂未敢
遊蟲昆而此澤間一坏土近瀉何有春膏溫却來殯爾
瘦弱骨得毋焚魄愁墜蜉蝣但抱瓊珠存歸以爲委
皆爾垠山之幽者夢修竹木將彫兮傷合楫鄰也晚磬

清不喧古佛蔭爾龍檀恩明年二月薜蘿磨過燄火
澄郊原再來酌爾桃花樽

綺碧四章示從軍諸友

綺碧纏身金獸袍流黃點額玉龍膏薰心氣息如醇酒
逼眼光輝似寶刀抱月飄烟齊女怨紉蘭擷蕙楚臣騷
頗思綵筆攜張敞竟製回文寄竇滔

靈光早洩漢宮圖幻術難尋郭璞符誰賺金魚開祕鑰
早攜瓊李出名都微雲天半懷佳壻畫岫江心夢小姑
莫恨禪天無兜率須知仙界有雕胡

花海晴翻精衛鳥魚天涼挂美人虹游絲網戶縈鮮翠

賦雨屏山拭斷紅蜀國么絃愁寵妹齊奴珠斛妒翺風
錦江芳樹多蕭颯華嶠琪林自綺蔥

白雉拋殘雙六譜紅蟬蠹盡十三徽天河案戶月如水
風葉吹空秋到衣燭影疎疎看髣髴轉鈿雲寂寂傍鴻飛
只餘摩詰琵琶在多恐岐王第宅非

窮巷吟四章

築牆瑾門鄰屋換蒼隴白日隔籬竄陰霑接霉氣難爇
急漲衝泥没人骨雞鵝日食不得半啄盡麻根到蔥莧
釜魚十煮九不爛竈婢蓬頭水濕炭童子飢縮面流汗
攜箸先來坐塵案漉鹽菹筍與之飯得飽何知憂患

使我旁觀袖手歎

擊櫬巡夜燈挂肩柵門半開鉤鉤懸隸卒擁後官在前
琅琅纍纍拖綫鞭十家九戶宵不眠夜半煮粥屋有烟
飢鳥蹴瓦先流涎嗚嗚而語聲可憐我欲餉汝心迴旋
已飢不保非汝偏西鄰瘦狗同瘦鳶巉巖出骨毛打毆
棄垢滿路無葦羶往往餓死窮路邊爾烏弗巢吾屋顛
明朝日出當晨餐空橐已無青銅錢

天地蒼黃夢魂蹙鄰嫠無兒拚扉哭敝襦已典屋誰醬
後圃葵苗但有綠甕虛不剩兩升粟粟爲珍珠菜爲玉
減餐預慰明日腹出向河壩拉枯木河壩棄魚雀來啄

掠地鷹鷂猛相逐風聲呼呼塵眯目荆棘刺手木難束
泥垢沾衣血盈掬鄰婆無兒苦笑獨鄰婆有兒隸兵牘
昔戰螺門死刀鏃

窮士感此無悅心窮居聊作窮巷吟搏擊碎缶彈廢琴
淒淒颯颯多愁音究其端緒終難尋雲光在目蕭以森
川流在耳幽以沈挂檐百丈城南岑照我壁作頽崖深
昏然置我窮壑陰中道而況多淫霖振冠拂我長鼻鐔
激憤而嘯烏能禁苦無藏粟無積金彼面惟悴喉惟瘖
過我巷者皆黎黔

招隱二章

深天有停雲空水得明藻白髮不愛時坐慚隱老夙
情巖秀茹未分積薪樵爽氣千古表明綺振天抱體寒
尺布珍粟腴寸田寶獨鑑神無昏衆妄臆難造激潭方
籟鬱疏林待烟掃攀援師赤松誰能竟其窈

紆回眄塗轍窮水阻大潯汎濫良可舟忽已違素心招
風思牖花聽雨懷垤禽晨態眷以瑟晚氣淵其衿沈想
有孤會上哲無濫欽天事不昧始匪勉圖所任空谷如
蘭臺跼然來惠音仙茵摛作餐木客同閒吟